

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2523 del 15/09/2021

Traduzione in mòcheno

Leargartn: s hòt bail finz as de 13 van schanmikeal ver za gem inn de zignprojektn

De Provinz bart gem 34.800 Euro ver de zignprojektn, ver a zait va drai jor, ver za mòchen leargartn ver za mòchen kennen de kultur van grea', va de lontschòft, va de umbèlt za hòltn anau, van lem mearer tsunt. Men mu' ogem de zignprojektn de earsteschualn ont de zboateschualn, provinzal ont gleich aa, ònderst abia de schualn as de sai' schoa' no za mòchen projektn. Ver za kriang s gèlt, de schualn miasn ogem de vrong durch en sistem PiTre, vour as de 13 van schanmikeal 2021, kan schualdinst – programmazion ont organisiaromt.

No sèll as sòk de provinzalgasetz n.2 van 2018, De Provinz va Trea't kimmip gariaft sa untestitzn ont anauhòltn de leargartn, abia as de kemmen gamòcht ont abia platz bou as men kòntt learnen za paun, iberhaup za òrbetn s vèlt pet de hent. Pet de doi leiste mosnem, de provinzaljunta hòt vourtschaukt an gèlthilf ver de schualn as de barn mòchen an aigene programmazion durch aigenen projektn iber de gartn.

De naiòrbet, as de ist schoa' en 2018 gaben, finz iatz, hòt se tsechen 84 naia projektn, gamòcht en souvle earsteschualn ont zboateschualn va earste grad. Va haier meing vourstelln de aigenen projektn de earsteschualn ont zboateschualn va zboate grad aa.

De vrog ver sa kriang der zuazol miast kemmen tschrim asn schoa'gamòcht model, as men konn vinnt asn sito www.vivoscuola.it.

Ibersetz gamòcht van Sprochtirl va de Tolgamoas'chèft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)